




www.BibleForChildren.org

उत्पत्ति 1




सुरूवात म परमेश्वर न स्वर्ग
अऊर धरती ख बनायो।



अऊर धरती बिना आकार कि होती,
अऊर धरती पर कुछ भी नहीं होतो,
अऊर गहरो पानी को ऊपर अन्धियारो
होतो; अऊर परमेश्वर की आत्मा पानी
को ऊपर मण्डरावत होतो।



जब परमेश्वर न आज्ञा दियो, "उजाड़ो हो" अऊर उजाड़ो भय गयो।
तब परमेश्वर न उजाड़ो को नाम "दिन" अऊर अन्धारो को नाम "रात"
रख्यो। तब शाम भयी अऊर तब सुबेरे भयी। तब यो पहिलो दिन भय
गयो।



तब परमेश्वर न कह्यो, "पानी को बीच एक असो अन्तर हो कि पानी दोय भाग होय जाये।" अऊर परमेश्वर न ऊ अन्तर ख "आसमान" कह्यो। फिर शाम भयी तब सुबेरे भयी। यो तरह दूसरों दिन भय गयो।



तब परमेश्वर न आज्ञा दियो, "आसमान को खल्लो को पानी एक जागा म जमा हो जाये अऊर सूखी जमीन दिखायी दे" अऊर वसोच भय गयो। परमेश्वर न सूखी जमीन को नाम "धरती" रख्यो अऊर जो पानी जमा भयो होतो, ओख "समुन्दर" नाम दियो। अऊर परमेश्वर न देख्यो कि यो अच्छो हय।



तब परमेश्वर न कह्यो, "धरती सी हरी घास, अऊर बीज वालो छोटो
छोटो झाड़, अऊर फर वालो झाड़ भी जिन्को बीज उन्कोच म एक
एक की जाति को अनुसार हंय, अऊर धरती
पर उगें," अऊर वसोच भय गयो।
फिर शाम भयी फिर सुबेरे
भयी। यो तरह तीसरो दिन
भय गयो।




तब परमेश्वर न दोय बड़ो उजाड़ो बनायो; सूरज न दिन पर शासन
करन लायी अऊर चन्दा न रात पर शासन करन
लायी; अऊर उन्न तारागन भी बनायो। तब
शाम भयी अऊर सुबेरे भयी। यो तरह
चौथो दिन भय गयो।



तब परमेश्वर न आज्ञा
दियो, "पानी जीन्दो
प्राणियों सी भरयो रहे,
अऊर पक्षी धरती को ऊपर
आसमान को ऊपर उड़े,
हवा ख पक्षियों सी भरन
दे।" तब शाम भयी अऊर
सुबेरे भय गयी। यो तरह
पाचवों दिन भय गयो।




तब परमेश्वर न आज्ञा दियो, "धरती म सी एक एक जाति को जीन्दो प्राणी, यानेकि घरेलू जनावर, अऊर रेंगन वालो जन्तु, अऊर धरती को जंगली जनावर, जाति जाति को अनुसार पैदा हो," अऊर वसोच भय गयो।



तब परमेश्वर न कह्यो, "हम आदमी ख अपनो स्वरूप को अनुसार अपनी समानता म बनायो; अऊर हि समुन्दर की मच्छी, अऊर पालतु जनावरों, अऊर पूरी धरती पर, अऊर सब रेंगन वालो जन्तुवों पर जो धरती पर रेंगय हंय, उन बड़ो छोटो पर अधिकार रखे।" तब परमेश्वर न जो कुछ बनायो होतो सब ख देख्यो, त का देख्यो, कि ऊ बहुतच अच्छो हय। तथा शाम भयी फिर सुबेरे भयी। यो तरह छठवो दिन भय गयो।



तब प्रभु परमेश्वर न आदमी ख ले क अदन को बगीचा म रख दियो,
कि ऊ ओको म काम करे अऊर ओकी रक्षा करे।



अऊर प्रभु परमेश्वर न
आदमी ख आज्ञा दी, "तुम
बगीचा को सब झाड़ को
फर बिना झीझक खाय
सकय ह्य; पर भलो या
बुरो को ज्ञान को जो झाड़
हय, ओको फर तुम कभी
मत खाजो : कहालीकि जो
दिन तुम ओको फर खावो
उच दिन जरूर मर
जाजो।"



त ऊ आदमी न सब जाति को पालतु
जनावरों, अऊर आसमान को पक्षियों,
अऊर सब जाति को जंगली जनावरों को
नाम रख्यो; पर आदमी लायी कोयी असो
मदद करन लायी नहीं मिल्यो जो ओको
सी मेल खाय सके।



तब प्रभु परमेश्वर न आदम ख गहरी नींद म डाल दियो, अऊर जब ऊ सोय गयो, ओन आदम की एक फसली निकाली अऊर मांस ख भर दियो। अऊर प्रभु परमेश्वर न ऊ फसली ख जो ओन आदमी म सी निकाली होती, ओन एक बाई बनायी; अऊर ओख आदम को जवर लायो।



योच वजह ह्य कि आदमी अपनो माय
बाप ख छोड़ क अपनी पत्नी सी मिल्यो
रहेन, अऊर हि एक जुट बन्यो रहेन।



"कहालीकि परमेश्वर न जगत सी असो प्रेम
करयो कि ओन अपनो एकलौतो टुरा दे दियो,
ताकि जो कोयी ओको पर विश्वास करेंन त ऊ
नाश नहीं होयेंन, पर अनन्त जीवन ख प्राप्त
करेंन।"



रोमियों 3:23 येकोलायी कि सब न पाप करयो ह्य अऊर परमेश्वर की महिमा सी दूर होय गयो हंय,

रोमियों 6:23 कहालीकि पाप की मजूरी त मृत्यु ह्य, पर हमरो परमेश्वर की भेंट प्रभु मसीह यीशु म अनन्त जीवन ह्य।

इब्रानियों 9:27 अऊर जसो आदमियों को लायी एक बार मरनो अऊर परमेश्वर को द्वारा न्याय को होनो जरूरी ह्य,

इफिसियों 2:8,9 कहालीकि विश्वास को द्वारा अनुग्रह सीच तुम्हरो उद्धार भयो ह्य; अऊर यो तुम्हरो तरफ सी नहीं, बल्की परमेश्वर को दान आय, अऊर नहीं कर्मों को वजह, असो नहीं होय कि कोयी घमण्ड करे।

रोमियों 10:9,10 कि यदि तय अपनो मुंह सी यीशु ख प्रभु जान क अंगीकार करे, अऊर अपनो मन सी विश्वास करे कि परमेश्वर न ओख मरयो हुयो म सी जीन्दो करयो, त तय पक्को उद्धार पायजो।



कहालीकि सच्चायी को लायी मन सी विश्वास करन सी हम परमेश्वर को संग
सही सम्बन्ध म आवय ह्य; अऊर मुंह सी कबूल करन सी मुक्ति पावय ह्य।

यूहन्ना 3:16,17 "कहालीकि परमेश्वर न जगत सी असो प्रेम करयो कि ओन
अपनो एकलौतो टुरा दे दियो, ताकि जो कोयी ओको पर विश्वास करेंन त ऊ
नाश नहीं होयेंन, पर अनन्त जीवन ख प्राप्त करेंन। परमेश्वर न अपनो टुरा
ख जगत म येकोलायी नहीं भेज्यो कि जगत को न्याय करे, पर येकोलायी
कि जगत ओको द्वारा उद्धार पाये।"

१ यूहन्ना 5:11-13 अऊर वा गवाही या ह्य कि परमेश्वर न हम्ख अनन्त
जीवन दियो ह्य, अऊर यो जीवन ओको बेटा म ह्य। जेको जवर बेटा ह्य,
ओको जवर जीवन ह्य; अऊर जेको जवर परमेश्वर को बेटा नहाय, ओको
जवर जीवन भी नहाय। मय न तुम्ख, जो परमेश्वर को बेटा को नाम पर
विश्वास करय ह्य, येकोलायी लिख्यो ह्य कि तुम जानो कि अनन्त
जीवन तुम्हरो ह्य।



उत्पत्ति 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Lodhi Bible (lbm) © The Word for the World International
and Lodhi Translation Samithi, Gondia, Maharashtra 2025

<https://www.bible.com/en-GB/bible/2788/MAT.1.LII25>

©2026 Bible for Children, Inc.

www.M1914.org

www.bibleforchildren.org

